



UNIVERSITÄTS-
BIBLIOTHEK
PADERBORN

Universitätsbibliothek Paderborn

Liber Theologiæ Moralis, Viginti Qvatvor Societatis Iesv Doctoribvs Reseratvs

Escobar y Mendoza, Antonio de

Lvgdvni, 1659

II. De peccatis aduersùs spem.

urn:nbn:de:hbz:466:1-41066

598 *Moralis Theologiae Tract. V. Virtutes,*
per merita ex diuina gratia prouenientia. Profec̄dò donum
est Dei speciale, & ex parte eius spes est certa, & infallibilis;
secus autem ex parte hominis; respicit enim illa cooperatio-
nem nostram.

2. *An prima fides?* Ita planè, mox spes; quia non possumus
sperare quod non credimus.

3. *Quoniam sunt præcepta spei?* Quatuor. Primum est bea-
titudinem expectare; quod quidem naturale est, supposito or-
dine supernaturalium Ordine; quia creatura rationalis ex
ipso, quod beatitudinem non habet, eam ex rei natura debet
expectare. Secundum est, Dei supplicium timere; quia spes
vltimi finis, ac timor æterni supplicij sunt quasi prima vix
honestæ principia. Tertium, non desperare de beatitudinis
consecutione. Quartum denique non præsumere consequi
illam indebitè, hoc est absque meritis.

4. *Quandonam hæc obligent præcepta?* Quæ sunt affirmatiua
non semper obligant, sed in casibus. 1. Quando homo ex pro-
prio actu iustificatur saltem primo. 2. Quando grauior et
præsumptione tentatur. 3. Quando desperationis, aut præ-
sumptionis crimine maculatus quis est, vt a d iustificationem
redeat debet sperare, & timere. 4. In sententiâ quorundam
quando orandi necessitas occurrit; quia inefficax sine spe oratio
ad impetrandum. Profec̄dò quæ sunt præcepta negatiua
semper obligare affirmo.

5. *Quotuplex timor?* Duplex, Seruilis, & Filialis, hic ex
timore pœnarum non exoritur; sed ex amore Dei; ille autem
ex pœnarum horrore.

6. *Est ne speciale timoris præceptum?* Probabilius existimo
non adesse, sed eodem præcepto imperari timorem, ac reli-
quæ virtutes præcipiuntur, quo quidem timore homo à
transgressione præceptorum circa alias virtutes liberatur.

CAPVT II.

De Peccatis aduersus spem.

7. *Quotnam sunt Peccata aduersus spem?* Quatuor, scilicet
Omissio spei cum habenda sit, Omissio timoris de-
bito tempore, Desperatio, & præsumptio.

8. *Quaso Præsumptionis originem assignes.* Frequentiùs
quidem ab infidelitate exoritur, & ad eam Dei tentatio re-
ducitur.

9. *Quis*


9. Quid est Deum tentare? Se quemuis exponere sine necessitate Martyrio. Defensionem ex exitalibus, aut periculosis mediis procurare. Maleficiis aut incantationibus spem adhibere. *innocentia*

10. Mortalis ne, an venialis Dei tentatio? Deum tentare etiam tacite in gravi materia, aut alio mediante, aut immediate, sine speciali inspiratione, aut reuelatione, mortis discrimini se exponendo sine necessitate, vel gravi in ægritudine ordinaria medicamina respuendo, mortale est; veniale autem, quando Deus in leui materia, aut sine plena deliberatione tentatur.

11. Quoddam peccatum est in creatura spem collocare? Crimen est contra spei virtutem, nisi simul in Deo ac creatura spes collocetur, primariò quidem in Deo, secundariò autem in creatura quatenus simul confert ad beatitudinem consequendam.

12. Differt quis pœnitentiam usque ad mortem spe venia obrinenda: peccat ne contra præceptum spei? Potius peccat contra præceptum pœnitentiæ; quia hic tantùm differt confessionem.

13. Fit alicui reuelatio damnationis sue: debet amplius sperare? Imò desperare sine mortali culpa potest, modò damnatio non reducatur ab eo in omnipotentia, vel misericordia Dei defectum; quia impossibile est sperare id quod non est possibile, nempe allocationem beatitudinis supposita certa damnationis reuelatione.




EXAMEN IV.

Circa materiam de Charitate ad Deum.

CAPVT PRIMVM.

De essentia, & Præceptis Charitatis.

1.  Vid est Charitas? Virtus Theologica à Deo infusa, qua Deum propter se ipsum, & suam bonitatem super omnia diligimus; & reliqua omnia propter Deum. Datur enim amicitia supernaturalis inter Deum & hominem, fundata quidem in quadam veluti hominis eleuati per gratiam æqualitate.

P p 4

2. Est